

商子卷第三

陽湖孫星衍

承德孫馮翼同校

壹言第八

凡將立國制度不可不時也治法不可不慎也壹務不可不謹也事本不可不搏也時則國俗可化而民從制治法明則官無邪國務壹則民應用事本搏則民喜農而樂戰夫聖人之立法化俗而使民朝暮從事於農也不可不變也夫民之從事死制也以上之設榮名置賞罰之明也不用辯說私門而功立矣故民之喜農而樂戰也見上之尊農戰之士而下辯說技藝之民而賤游學之人也故民一務其家必富而身顯於國上開公利而塞私門以致民力私勞不顯於國私門不請於君若此而功臣勸則上令行而荒草闕淫民止而姦無萌治國能持民力而

壹民務者強能事本而禁末者富夫聖人之治國也能搏力能殺力制度察則民力搏搏而不化則不行行而無富則生亂故國者其搏力也以富國強兵也其殺力也以事敵勸民也夫開而不塞則短長長而不攻則有姦姦而不開則民渾渾而不用則力多力多而不攻則有姦姦故搏力以一務也殺力以攻敵也治國者貴民一民一則樸樸則農農則易勤勤則富富者廢之以爵不淫淫者廢之以刑而務農故能搏力而不能用者必亂能殺力而不能搏者必亡故明君知齊二者其國強不知齊二者其國削夫民之不治者君道卑也法之不明者君長亂也故明君不道卑不長亂也秉權而立垂法而治以得姦於上而官無不賞罰斷而器用有度若此則國制民明而民力竭上爵尊而倫徒舉今世主皆欲治民而助之亂非樂以爲亂也安其

故而不闕於時也是上法古而得其塞下修令而不時移而不明世俗之變不察治民之情故多賞以致刑輕刑以去賞夫上設刑而民不服賞匱而姦益多故民之於上也先刑而後賞故聖人之爲國也不法古不修今因世而爲之治度俗而爲之法故法不察民之情而立之則不成治宜於時而行之則不干故聖王之治也慎爲察務歸心於一而已矣

錯法第九

臣聞古之明君錯法而民無邪舉事而材自練賞行而兵強此三者治之本也夫錯法而民無邪者法明而民利之也舉事而材自練者功分明功分明則民盡力民盡力則材自練行賞而兵強者祿爵之謂也祿爵者兵之實也以故人君之出祿爵也道明道明則國日強道幽則國日削故祿爵之所道存亡之機

也夫削國亡主非無爵祿也其所道過也三王五霸其所道不
 過爵祿而功相萬者其所道明也是以明君之使其臣也用必
 出於其勞賞必加於其功功賞明則民競於功為國而能使其
 民盡力以競於功則兵必強矣同列而相臣妾者貧富之謂也
 同實而相并兼者強弱之謂也有地而君或強或弱者亂治之
 謂也苟有道理地足容身士民可致也苟容市井財貨可聚也
 有土者不可以言貧有民者不可以言弱地誠任不患無財民
 誠用不畏強暴德明教行則能以民之有為已用矣故明王者
 用非其有使非其民明王之所貴唯爵其實不榮則民不急列
 位不顯則民不事爵爵易得也則民不貴上爵列爵祿賞不道
 其門則民不以死爭位矣人君而有好惡故民可治也人君不
 可以不審好惡好惡者賞罰之本也夫人情好爵祿而惡刑罰

人君設二者以御民之志而立所欲焉夫民力盡而君隨之功

立而賞隨之人君能使其民信於此如明日月則兵無敵矣人

君有爵行而兵弱者有祿行而國貧者有法立而亂者此三者

國之患也故人君者先便請謁而後功力之請吳程施本作則

爵行而兵弱矣民不死犯難而利祿可致也則祿行而國貧矣

法無度數而事日煩吳本作日煩程施則法立而治亂矣是以

明君之使其民也使必盡力以規其功功立而富貴隨之無私

德也故教法各本作流成如此則臣忠君明治著而兵強矣故

凡明君之治也任其德不任其力是以不憂不勞而功可立也

度數已立而法可修故人君者不可不慎已也夫離朱見秋毫

百步之外而不能以明目易人鳥獲舉千鈞之重而不能以多

力易人夫聖人之存體性不可以易人然而功可得者法之謂

也

戰法第十

凡戰法必本於政勝則其民不爭爭則無以私意以上爲意故王兵之政使民怯於邑鬪而勇於寇戰民習以立攻難故輕死見敵如潰潰而不止則免故兵法大戰勝逐北無過十里小戰勝逐北無過五里兵起而程敵政不若者勿與戰食不若者勿與久敵眾勿爲客敵盡不如擊之勿疑故曰兵大律在謹論敵察則眾勝負可先知也王者之政勝而不驕敗而不怨勝而不驕者術明也敗而不怨者知所失也若兵敵強弱將賢則勝將不如則敗若其政出廟筭者將賢亦勝將不如亦勝政久持勝術者必強至王若民服而聽土則國富而兵勝行是必久王其過失無敵深入偕險絕塞民倦且饑渴而復遇疾此其道也故

將使民者乘良馬者不可不齊也

立本第十一

凡用兵勝有三等若兵未起則錯法錯法而俗成而用具此三者必行於境內而後兵可出也行三者有二勢一曰輔法而法行二曰舉必得而法立故恃其眾者謂之昔恃其福備飾者謂之巧恃譽目者謂之詐此三者恃一因其兵可禽也故曰強者必剛鬪其意鬪則力盡力盡則備是故無敵於海內治行則貨積貨積則賞能重矣賞一則爵尊爵尊則賞能利矣故曰兵生於治而異俗生於法而萬轉過勢本於心而飾於備勢三者有論故強可立也是以強者必治治者必強富者必治治者必富強者必富富者必強故曰治強之道三論其本也

兵守第十二

四戰之國貴守戰負海之國貴攻戰四戰之國好舉興兵以距
四鄰者國危四鄰之國一興事而已四興軍故曰國危四戰之
國不能以萬室之邑舍鉅萬之軍者其國危故曰四戰之國務
在守戰守有城之邑不知以死人之力與客生力戰其城拔者
死人之力也客不盡夷城客無從入此謂以死人之力與客生
力戰城盡夷客若有從入則客必罷中人必佚矣以佚力與罷
力戰此謂以生人力與客死力戰皆曰圍城之患患無不盡死
而亡各本作邑今從鄭本此三者非患不足將之過也守城之道盛力故
曰客治簿檄三軍之多分以客之候車之數三軍壯男爲一軍
壯女爲一軍男女之老弱者爲一軍此謂之鄭吳本作之謂三今從程朱施本
軍也壯男之軍使盛食勵兵陳而待敵壯女之軍使盛食負壘
陳而待令客至而作土以爲險阻及耕格阱各本作阱施本作州發梁撤

屋給從從之不洽而燠之使客無得以助攻備老弱之軍使牧
牛馬羊蔬草木之可食者收而食之以獲其壯男女之食而慎
使三軍無相過壯男過壯女之軍則男貴女而姦民有從謀而
國亡喜與其恐有蚤聞勇民不戰壯男壯女過老弱之軍則老
使壯悲弱使強憐悲憐在心則使勇民更慮而怯民不戰故曰
慎使三軍無相過此盛力之道

斬令第十三

斬令則治不留法平則吏無奸法已定矣不以善言害法任功
則民少言任善則民多言行治曲斷以五里斷者王以十里斷
者強宿治者削以刑治以賞戰求過不求善故法立而不革則
顯民變誅計變誅止貴各本作貴施本作責齊殊便百都之尊爵厚祿以
自伐國無姦民則都無奸市物多末氓農宏姦勝則國必削民

有餘糧使民以粟出官爵官爵必以其力則農不怠四寸之管
無當必不滿也授官子爵出則祿不以功是無當也國貧而務
戰毒生於敵無六蝨必強國富而不戰偷生於內六蝨必弱國
以功授官子爵此謂以盛知謀以盛勇戰以盛知謀以盛勇戰
其國必無敵國以功授官子爵則治省言寡此謂以法去法以
言去言國以六蝨玉海引庚峻傳作六蝨授官子爵則治煩言生此謂以
治致治以言致言則君務於說言官亂於治邪邪臣有得志有
功者日退此謂失守十者亂守一者治法已定矣而好用六蝨
者亡民澤畢農則國富六蝨不用則兵民畢競勸而樂為主用
其境內之民爭以爲榮莫以爲辱其次爲賞勸罰沮其下民惡
之憂之羞之修容而以言恥食以上交以避農戰外交以備國
之危也有饑寒死亡不爲利祿之故戰此亡國之俗也六蝨曰

禮樂曰詩書曰修善曰孝悌曰誠信曰貞廉曰仁義曰非兵曰
羞戰國有十二者上無使農戰必貧至削十二者成羣此謂君
之治不勝其臣官之治不勝其民此謂六蝨勝其政也十二者
成樸必削是故興國不用十二者故其國多力而天下莫之各
作不今能犯也兵出必取取必能有之按兵而不攻必富朝廷
之吏少者不毀也多者不損也效功而取官爵廷雖有辯言不
得以相先也此謂以數治以力攻者出一取十以言攻者出十
亡百國好力此謂以難攻國好言此謂以易攻重刑少賞上愛
民民死賞重賞輕刑上不愛民民不死賞利出一空者其國無
敵利出二空者國半利用出十空者其國不守重刑明大制不
明者六蝨也六蝨成羣則民不用是故興國罰行則民視賞行
則上利行罰重其輕者輕其重者輕者不至重者不來此謂以

刑去刑刑去事成罪重刑輕刑至事生此謂以刑致刑其國必削聖君知物之要故其治民有至要故執賞罰以一輔仁者心之續也聖君之治人也必得其心故能用力力生強強生威威生德德生力王君獨有之能述仁義於天下

修權第十四

國之所治者三一日法二曰信三曰權法者君臣之所共操也信者君臣之所共立也權者君之所獨制也人主失守則危君臣釋法任私必亂故立法明分而不以私害法則治權制獨斷於君則威民信其賞則事功不各本作不鄭本缺此字疑當作立信其刑則姦無端唯明主愛權重信而不以私害法故不多惠言而勉其賞則下不用數加各本作加施本作如非嚴令而不致其刑則民敖程朱施本作傲今從鄭吳本死凡賞者文也刑者武也文武者法之約也故明主慎

法明主不蔽之謂明不欺之謂察故賞厚而刑重而必不失疏遠不違親近故臣不蔽主而下不欺上世之為治者多釋法而任私議此國之所以亂也先王縣權衡立尺寸而至今法之其分明也夫釋權衡而斷輕重廢尺寸而意長短雖察商賈不用為其不必也夫倍法度而任私議皆不類者也不以法論智能賢不肖者唯堯而世不盡為堯是故先王知自議譽私之不可任也故立法明分中程者賞之毀公者誅之賞誅之法不失其議故民不爭不以其勞則忠臣不進行賞賤祿不稱其功則戰士不用凡人臣之事君也多以主所好事君君好法也各本也字施則臣以法事君君好言也則臣以言事君君好法則端直之士在前君好言則毀譽之臣在側公私之分明則小人不疾賢而不肖者不妒功故堯舜之位天下也非私天下之利也

爲天下位天下也。論賢舉能而傳焉，非疏父子親越人也。明於治亂之道也。故三王以義親，五伯以法正，諸侯皆非私天下之利也。議爲天下治天下，是故擅其名而有其功，天下樂其政而莫之能傷也。今亂世之君臣區區，然皆擅一國之利而當一官之重，以便其私，此國之所以危也。故公私之故，各本作敗，今從施本。存亡之本也。夫廢法度而好私議，則姦臣鬻權以約祿，秩官之吏隱下而漁民，諺曰：蠹眾而本折，隙大而牆壞。故大臣爭於私而不顧其民，則下離；上下離，上者國之隙也。秩官之吏隱下以漁百姓，此民之蠹也。故有隙蠹而不亡者，天下鮮矣。是故明王任法去私而國無隙蠹矣。

商子卷第三終

商子卷第四

陽湖孫星衍

來民第十五

承德孫馮翼同校

地方百里者，山陵處什一，藪澤處什一，谿谷流水處什一，都邑

蹊道處什一，惡田處什一，良田處什四口。各本缺吳，本作口。此食作夫

五萬，其山陵谿谷藪澤可以給其材，都邑蹊道足以處其民，先

王制土分民之律也。今秦之地方千里者五，而穀土不能處二

田數不滿百萬，其藪澤蹊谷名山大川之材物貨寶又不盡爲

用，此人不稱土也。秦之所與鄰者三晉，各本作三晉，鄭本無三字。也。所欲用

兵者韓魏也。彼土狹而民眾，其宅叅居而并處，其寡萌賈息，民

上無通名，下無田宅，而恃姦務末，作以處人之復陰陽澤水者

過半，此其土之不足以生其民也。以有過秦民之不足以實其

土也意民之情其所欲者田宅也而晉之無有也信秦之有餘也必如此而民不西者秦士戚而民苦也臣切以王吏之明爲過見此其所以弱不奪三晉民者愛爵而重復也其說曰三晉之所以弱者其民務樂而復爵輕也今秦之以強強者其民務苦而復爵重也今多爵而久復是釋秦之所以強而爲三晉之所弱也此王吏重爵愛復之說也而臣切以爲不然夫所以爲苦民而強兵者將以攻敵而成所欲也兵稱曰敵弱而兵強此言不失吾所以攻而敵失其所守也今三晉不勝秦四世矣自魏襄王以來野戰不勝守城必拔小大之戰三晉之所以亡於秦者不可勝數也若此而不服秦能取其地而不能奪其民也今王發明惠諸侯之士來歸德就各本脫德就二義者今使復之三世無知軍事秦四境之內陵阪邱隰不起十年往者於律

也足以造作夫百萬曩者臣言曰意民之情其所生者田宅也晉之無有也信秦之有餘也必若此而民不西者秦士戚而民苦也今利其田宅而復之三世此必與其所欲而不使行其所惡也然卽山東之民無不西者矣且直言之謂也不然夫實墾什虛出天寶而百萬事本其所益多也豈徒不失其所以攻乎夫秦之所患者興兵而伐則國家貧安居而農則敵息此王所不能兩成也故三世戰勝而天下不能令以故秦事敵而使新民作本兵雖百宿於外境內不失須臾之時此富強兩成之效也臣之所謂兵者非謂悉興盡起也論境內所能給軍卒車騎令故秦兵新民給芻食天下有不服之國則王以此春闈程朱施本作闈鄭吳其農夏食其食秋取其刈冬陳其實以大武搖其本以廣文安其嗣王行此十年之內諸侯將無異民而王何爲受

爵而重複乎周軍之勝華軍之勝秦斬首而東之東之無益亦明矣而吏猶以為大功為其損敵也今以草茅之地來三晉之民而使之事本此其損敵也與戰勝同實而秦得之以為粟此反行兩登之計也且周軍之勝華軍之勝長平之勝秦所亡民者幾何民客之兵不得事本者幾何臣切程朱吳本作切施本作竊以為不可數矣假使王之羣臣有能用之費此之半弱晉強秦若三戰之勝者王必加大賞焉今臣之所言民無一日之繇官無數錢之費其弱晉強秦有過三戰之勝而王猶以為不可則臣愚竊不能解各本無解字今從鄭本已齊人有東郭敞者猶多願願有萬金其徒請賙焉不與曰吾將以求封也其徒怒而去之宋曰各本有日字施本此無於愛也故不如與之之利施本作之利各本作有也今晉有晉而秦愛其復此愛非其有以失其有也豈異東郭敞之愛非其有

以亡其徒乎且古有堯舜當時而見稱中世有湯武在位而民服此三王者萬世之所稱也以為聖王也然其道猶不能取用於後今復之三世而三晉之民可盡也是非王賢力今時而使後世為王用乎然則非聖別說而聽聖人難也

刑約第十六 篇七

賞刑第十七

聖人之為國也一賞一刑一教一賞則兵無敵一刑則令行一教則下聽上夫明賞不費明刑不戮明教不變而民知於民務國無異國明賞之猶至於無賞也明刑之猶至於無刑也明教之猶至於無教也所謂一賞者利祿官爵搏出於兵無有異施也夫固各本作固朱本作故愚知貴賤勇怯賢不肖皆盡其胸臆之知竭其股肱之力出死而為上用也天下豪傑賢良從之如流水夫

故兵敵而令行於天下萬乘之國不敢蘇其兵中原千乘之國不敢捍城萬乘之國若有蘇其兵中原者戰將復其軍千乘之國若有以捍城者攻將獲其城戰必覆人之軍攻必凌人之城盡城而有之盡賓而致之雖厚慶賞何費匱之有矣昔湯封於贊茅文王封於岐周方百里湯與桀戰於鳴條之野武王與紂戰於牧野之中大破九軍奔為列諸侯士卒坐陳者里有書社車休息不乘縱馬華山之陽縱牛於農澤按農澤謂宏農之澤即桃林也宏農郡名以此縱之老而不收此湯武之賞也故曰贊茅岐周之粟以賞天下之人不人得一勝以其錢賞天下之人不人得一錢故曰百里之居而封侯其臣大其舊自士卒坐陳者里有書社賞之所加寬於牛馬者何也善因天下之貨以賞天下之臣故曰明賞不費湯武既破桀紂海內無害太平御覽居處部引作患天下大定築五

庫藏五兵偃武事行文教倒載戟戈搢笏作為樂以申其德當

此時也賞祿不行而民整齊故曰明賞之猶至於無賞也所謂

一刑無等級自卿相將軍以至大夫庶人有不從王令犯國禁

亂上制者罪死不赦有功於前有敗於後不為損刑有善於前

有過於後不為虧法忠臣孝子有過必以其數斷守法守職之

吏有不行正法者罪死不赦刑及三族周官之人知而謂之上

者自免於罪無貴賤尸襲其官長之官爵田祿故曰重刑連其

罪則民不敢試民不敢試故無刑也夫先王之禁刺殺斷人之

足黥人之面非求傷民也以禁姦止御覽作止過過也故禁姦姦止

莫若重刑刑重而必得則民不敢試故國無刑民國無刑民故

曰明刑不戮晉文公將欲明刑以親百姓於是合諸侯通典刑法部作

卿大夫於侍千宮通典太平御覽侍千二字俱作冀顛頡後至吏請其罪各本脫吏

字施本脫其字御覽作首以殉君曰用事焉吏遂斷顛頡之脊御覽作首以殉

晉國之士稽焉皆懼曰顛頡之有寵也斷御覽作斬以殉況於

我乎通典御覽况舉兵伐曹五鹿及反鄭之埤東徵之畝勝荆

人於城濮三軍之士止之各本有之如斬足行之如流水三軍

之士無敢犯禁者故一假道重刑各本作刑於顛頡之脊而致

國治施本致作晉各本作致而上有曰字昔者周公且殺通典

管叔放蔡叔上三字各本流霍叔曰犯禁者也天下眾皆曰親

叔各本脫叔昆弟有過不違而况疏遠施本此下有天乎故各

作故施本外不用甲兵於天下內不用刀鋸於周庭各本作天

鋸於周庭而海內治故曰明刑之猶至於無刑也所謂一教者

博聞辯慧信鄭程施本作信廉禮樂修行羣黨任譽清濁不可

以富貴不可以評刑不可獨立私議以陳其上堅者被鄭本作

施本銳者挫雖曰聖智巧佞厚朴則不能以非功罔上利然貴

富之門要存戰而已矣彼能戰者踐富貴之門強各本作強梗

焉有常刑而不赦施本作常道而是父兄昆弟知識婚姻合同

者皆曰務之所加存戰而已矣夫故當壯者上十四字各務於

戰老弱者務於守死者不悔生者務勸此臣之所謂一教也民

之欲貴富也共闔棺而後出而貴富之門必出於兵是故民間

戰而相賀也起居飲食所歌謠者戰也此臣之所謂明教之猶

至於無教也此臣所謂叅教也聖人非能通知萬物之要也故

其治國舉要以致萬物故寡教而多功聖人治國也易知而難

行也是故聖人不必加各本作加凡主不必廢殺人不為暴賞

人不為仁者國法各本有法明也聖人以功授官子各本作子

爵故賢者不憂聖人不宥過不赦刑故姦無起聖人治國也審

一而已矣

畫策第十八

昔者吳英之世以伐木殺獸人民少而木獸多路史人帝路史

各本作黃帝非之世不麇不卵官無供備之民路史死不得用榔路史

當是蕈字見說文古城郭字借為棺椁也事不同皆王者時異也神農之世公耕而

食婦織而衣刑政不用而治甲兵不起而王神農既沒以強勝

弱以眾暴寡故黃帝作為君臣上下之儀各本作儀施父子兄

弟之禮夫婦妃匹之合內行刀鋸外用甲兵故時變也由此觀

之神農非高於黃帝也然其名尊者以適於時也故以戰去戰

雖戰可也各本有也施本脫以殺去殺雖殺可也以刑去刑雖重刑可

也以力各本作力施本作歷之能制天下者必先制其民者也能勝強敵

者必先勝其民者也故因民之本在制民若治於金陶於土也

本不堅則民如飛鳥禽獸其孰能制之民本法也故善治者塞

民以法而民地作矣名尊地廣以至王者何故名卑地削以至

於亡者戰罷者也不勝而王不敗而亡者自古及今未嘗有也

民勇者戰勝也能各本脫也字能一民於戰者民勇不能一民

於戰者民不勇聖王見勇致朱本作王致程吳本作勇之於兵

也故興國而責之於兵入其國觀其治兵用者強奚各本作因

以知民之見用者也民之見戰也如餓狼之見肉則民用矣凡

戰者民之所惡也能使民樂戰者王強國之民父遺其子兄遺

其弟妻遺其夫皆曰不得無返又曰失法離令若死我死鄉治

之行間無所逃遷徙無所入行間之治連以五辯之以章束之

以令窮各本如此施本天所處罷各本作以此無所生是以三

軍之行從令如流死而不旋踵國之亂也非其法亂也非法不

用也國皆有潛法而無使法必行之法國皆有禁姦邪刑盜賊之法而無使姦邪盜賊必得之法為姦邪盜賊者死刑而姦邪盜賊不止者不必得必得而尚有姦邪盜賊者刑輕也刑輕者不得誅各本如此施本作兼誅也必得者刑各本作刑者眾也故善治刑者不善而不賞善故不刑而民善不刑而民得善刑重也刑重者民不敢犯國施本脫國字上文亦有脫字今從各本故無刑也而民莫敢為非是一國皆善也故不賞善而民善賞善之不可也猶賞不盜故善治者使跡可忠各本有忠字施本脫信而況伯夷乎不能治者使伯夷可疑而況跡乎勢不能為姦雖跡可信也勢得為姦雖伯夷可疑也國治或重明主在上所舉必賢則法可在賢法可在賢則法在下不肖不敢為非是謂重治不明主在上所舉必不肖國無明法不肖者敢為非是謂重亂兵或重強或重弱民固欲戰

又不得不戰是謂重強民固不欲戰又得無戰是謂重弱明王不濫施本有脫富貴其臣所謂富者非粟米珠玉也所謂貴者非爵位官職也廢法作私爵祿之富貴凡人主德行非上各本作出施本作上人也知非出人也勇力非過人也然民雖有聖知弗敢我各本有施字謀勇力弗敢我殺雖眾不敢勝其主雖民至各本如此施本脫億萬之數懸重賞而民不敢爭行罰而民不敢怨者法也國亂者民多私義兵弱者民多私勇則削國之所以取爵祿者多塗人施本脫人字今從各本亡國之所以施本所以作欲字今從各本賤爵輕祿不作而食不戰而榮無爵而尊無祿而富無官而長此之謂姦民所謂治主無忠臣慈父無孝子欲無善言皆以法相司也命相正也不能獨為非而莫與人為非所謂富者入多而出寡衣服有制飲食有節則出寡矣女事盡於內男事盡於外則入多矣所謂

明者無所不見則羣臣不敢爲姦百姓不敢爲非是以人主處
匡床之上聽絲竹之聲而天下治所謂明者使眾不得不爲所
謂强者天下勝天下勝是故合力是以勇強不敢爲暴聖知不
敢爲詐而虛用兼天下之眾莫敢不爲其所好而辟其所惡所
謂强者使勇力不得不爲已用其志足天下益之不足天下說
之恃天下者天下去之自恃者得天下得天下者先自得者也
能勝強敵者先自勝者也聖人知必然之理必爲之時勢故爲
必治之政戰必勇之民行必聽之令是以兵出而無敵令行而
天下朝黃鵠之飛日行千里有必飛之備也騏驎駉駉施本作麗麗臣
臣今從每一日走千里有必走之勢也虎豹熊羆而無敵有必
勝之理也聖人見本然之政知必然之理故其制民也如以高
下制水如以燥濕制火故曰仁者能仁於人而不能使人仁義

者能愛於人而不能使人相愛是以知仁義之不足以治天下
也聖人有必信之性又有使天下不得不信之法所謂義者爲
人臣忠爲人子孝少長有禮男女有別非其義也餓不苟食死
不苟生此乃有法之常也聖王者不貴義而貴法法必明令必
行則已矣

商子卷第五

陽湖孫星衍

承德孫馮翼同校

境內第十九

四境之內丈夫女子皆有名於上者著死者削其有爵者乞無爵者以為庶子級乞一人其無役事也其庶子役其大夫六日其役事也隨而養之軍爵自一級已下至小夫命曰校徒操出公爵自二級以上至不更命曰卒其戰也五人來薄各本作簿朱本作薄古為伍一人羽而輕其四人能人得一首則復夫勞爵其縣過三日有不致士大夫勞爵能五人一屯長百人一將其戰百將屯長不得斬首得三十三首以上盈論伯將屯長賜爵一級五百主短兵五十人二五霸主將之主短兵百千石之令短兵百人八百之令短兵八十八人七百之令短兵七十八人六百之令短

兵六十人國封尉短兵千人將短兵四千人戰及死吏而輕短

兵能一首則優能攻城圍施本作之邑斬首八千以上則盈論

野戰斬首二千則盈論吏自操及杖以上大將盡賞行間之吏

故爵公士也就為上造也故爵上造就為簪褭就為不更故爵

為大夫爵吏而為縣尉則賜虜六加五千六百爵大夫而為國

治就為大夫故爵大夫就為公大夫就為公乘就為五大夫則

稅邑三百家故爵五大夫皆有賜邑三百家有賜稅三百家爵

五大夫有稅邑六百家者受客大將御參皆賜爵三級故客卿

相論盈就正卿就為大庶長故大庶長就為左更故四更也就

為大良造班氏百官公卿表爵一級曰公士二上造三簪褭四

十左庶長十一右庶長十二左更十三中更十四右更十五少

上造十六大上造十七駟車庶長十八大庶長十九關內侯皆

秦法本此書以戰故暴首三乃校三日將軍以不疑致士大夫

上造良造通

勞爵其縣四尉訾由丞尉能得甲首一者賞爵一級益田一頃

益宅九畝一除庶子一人乃得人兵官之吏其獄法高爵訾下

爵級高爵能無給有爵人隸僕爵自二級以上有刑罪則貶爵

自一級以下有刑罪別矣施本別作則下小失各本作夫死以

上至大夫其官級一等其樹墓級一樹其攻城圍邑也國司空

訾其城之廣厚之數國尉分地以徒校分積尺而攻之為期日

先已者當為最國家已者訾為最殿再訾則廢內通則積薪積

薪則燔柱陷隊之士面十八人之隊陷之士知疾鬪不得斬首

隊五人則陷隊之士人賜爵一級死則一人後不能死之千人

環規諫黥劓於城下國尉分地以中卒隨之將軍為木壹與國

正各本作王監與王御史參望之其先入者舉為最口其後入

者舉為最殿其陷隊也盡其幾者幾者不足乃以欲級益之

弱民第二十

民弱國強國強民弱故有道之國務在弱民樸則強淫則弱弱則軌淫則越施本越作有下志弱則有用越志則強故曰以強去強者弱以弱去強者強民善之則親利之用則和用則有任和則賈有任乃富於政上舍法任民之所善故姦多民貧則力富力富則淫淫則有蝨朱本作強非故民富而不用則使民以食出各必有力鄭本作久則農不偷農不偷六蝨無萌故國富而貧治重強兵易弱難強民樂生安佚死難難正易之則強事有羞多姦寡賞無失多姦疑敵失必利兵至強威事無羞利用兵九慮利勢必王故兵行敵之所不敢行強事與敵之所羞為利法有民安其次主變事能得齊國守安主操權利故主貴多變國貴少變利出一孔則國多物出十孔則國少物守一者治

守十者亂治則強亂則弱強則物來弱則物去故國致物者強去物者弱民辱則貴爵弱則尊官貧則重賞以刑致民則樂用以賞戰民則輕死故戰事兵用曰強民有私榮則賤列卑官富則輕賞治民羞辱以刑戰則戰民畏死事亂而戰故兵農息而國弱農商官三者國之常食官也農闢地商致物官法民三官生蝨六曰歲曰食曰美曰好曰志曰行六者有樸必削農有餘食則薄燕於歲商有淫利有美好傷器官設而不用志行為卒六蝨成俗兵必大敗法枉治亂任善言多治眾國亂言多兵弱法明省任力言息治者國治言息兵強故治大國小治小國大政作民之所惡民弱政作民之所樂民強民強國贏民之所樂民強民強而強之兵重弱故民之所樂民強民強而弱之兵重強故以強重弱弱重強王以強政強弱弱存以弱政弱強強去

商子卷第五
三
強存則弱強去則王故以強政弱削以弱政強王也明主之使其臣也用必加於功賞必盡其勞人主使其民信如日月此無敵矣今離婁見秋毫之末不能以明目易人烏獲舉千鈞之重不能以多力易人聖賢在體性也不能以相易也今當世之用事者皆欲爲上聖舉法之謂也皆法而治此任重道遠而無馬牛濟大川而無船楫也今夫人眾兵強此帝王之大資也苟非明法以守之也與危亾爲鄰故明主察法境內之民無辟淫之心游處之士迫於戰陣萬民疾於耕農有以知其然也楚國之民齊疾而均速若飄風宛鉅鐵各本作鐵拖利若蜂螿蝨蛟犀兕堅若金石江漢以爲池汝潁以爲限隱以鄧林緣以方城秦師至鄢郢舉若振槁唐蔑死於垂涉莊躄發於內楚分爲五地非不大也民非不眾也甲兵材用非不多也戰不勝守不固此

無法之所生也釋權衡而操輕重者

御盜

上二字各本脫今從施本

第二十一

篇七

外內第二十二

民之外事莫

程吳施本脫莫字今從朱本

難於戰故輕法不可以使之奚謂

輕法其賞少而威薄淫道不塞之謂也奚謂淫道爲辯智者貴

游宦者任文學私名顯之謂也三者不塞則民不戰而事失矣

故其賞少則聽者無利也威薄則犯者不害也故開淫道以誘

之而以

各本此下有戰字朱本無

輕法戰之是謂設鼠而餌以狸也亦不幾

乎故欲戰其民者必以重法賞則必多威則必嚴淫道必塞爲

辯志者不貴游宦者不任文學私名不顯賞多威嚴民見戰賞

之多則忘死見不戰之辱則苦生賞使之忘死而威使之苦生

而淫道又塞以此遇敵是以百石之弩射飄葉也何不陷之有

哉民之內事莫善於農故輕治不可以使之奚謂輕治其農貧而商富故其食賤者錢重食賤則農貧錢重則商富末事不禁則上廿二字各本脫而注于此章之未据施本增技巧之人利而游食者眾之謂也故農之用力最苦而贏利少不如商賈技巧之人苟能令商賈技巧之人無繁則欲國之無富不可得也故曰欲農富其國者境內之食必貴而不農之徵必多市利之租太重則民不得無田田不得不易其食食貴則田者利田者利則事者眾食貴糴食不利而又加重徵則民不得無去其商賈技巧而事地利矣故民之力盡在於地利矣故爲國者邊利盡歸於兵市利盡歸於農邊利歸於兵者強市利歸於農者富故出戰而強入休而富者王也

君臣第二十三

古者未有君臣上下之時民亂而不治是以聖人列貴賤制節施本脫節字今從各本爵位立名號以別君臣上下之義地廣民眾萬物多故分五官而守之民眾而姦邪生故立法制爲度量以禁之是故有君臣之義五官之分法制之禁不可不慎也處君位而令不行則危五官分而無常則亂法制設而私善行則民不畏刑君尊則令行官修則有常事法制明則民畏刑法制不明而求明之行令也不可得也夫各本脫夫今從施本民不從令而求君之尊也雖堯舜之智不能以治明主之治天下也緣法而治按功而賞凡民之所疾戰不避死者以求爵祿也明君之治國也士有戰首捕虜之功必其爵足榮也祿足食也農不離塵者足以養二親治軍事故軍士死節而農民不偷也今世君不然釋法而以智背功而以譽故軍士不戰而農民流徙臣聞道民之門在

上所先故民可令農戰可令游宦可令學問在上所與上以功
 勞與則民戰上以詩書與則民學問民之於各本作於利也若
 水於下也四旁無擇也民徒可以得利而為之者今上與之也
 曠目扼腕而語勇者得垂衣裳而談說者得遲日曠久積勞私
 門者得尊向三者無功而皆可以得民去農戰而為之或談議
 而索之或事便辟而請之或以勇爭之故農戰之民日寡而游
 食者愈眾則國亂而地削民各本作民弱而主卑此其所以然
 者釋法制而任其然也故明主慎法制言不中法者不聽也行
 不中法者不高也事不中法者不為也言中法則辯之事中法
 則為之行中法則高之故國治而地廣兵強而主尊此治之至
 也人君者不可不察也

禁使第二十四

人主之所以禁使者賞罰也賞隨功罰隨罪故論功察罪不可
 不審也夫賞高罰下而上無必知其道也與無道同也凡知道
 者勢數也故先王不恃其強而恃其信恃其數今夫飛蓬遇飄
 風而行千里乘風之勢也深淵者知千仞之深縣各本脫縣字
 繩之數也故託其勢者雖遠必至守其數者雖深必得今夫幽
 夜山陵之大而離婁不見清朝日按說文黃則上別飛鳥下
 察秋毫故目之見也託日之勢也得勢之至不參官而潔陳數
 而物當今官恃多官眾吏官立丞監夫置丞立監者且以禁人
 之為利也而丞監亦欲為利則何以相禁故恃丞監而治者僅
 存之治也通數者不然別其勢難其道故曰其勢難匿者雖距
 不為非焉故先王貴勢員曰人主執虛後以應則物應稽驗稽
 驗則姦得臣以為不然夫吏爵制決事於千里之外十二月而

計書以定事以一歲別計而主以一聽見所疑焉不可蔽員不足夫物至則目不得不見言薄則目不得不聞故物至則變言至則論故治國之制民不得避罪如目不能以所見遁心今亂國不然恃吏吏雖眾同體一也夫同體一者相不可且夫利異而害不同者先王所以爲保也故至治夫妻交友不能相爲棄惡蓋非而不害於親民人不能相爲隱上與吏也事合而利異者也今夫騶虞以相監不可事合而利異者也施本有注云下本下作空圍十若使馬馬能言則騶虞無所逃其惡矣利異也六吳本不缺利合而惡同者父不能以問子君不能以問臣吏之與吏利合而惡同也夫事合而利異者先王之所以爲端也民之蔽主而不害於蓋賢者不能益不肖者不能損故遺賢去智治之數也

慎法第二十五

凡世莫不以其所以亂者治故小治而小亂大治而大亂人主莫能世治其民世無不亂之國奚謂以其所以亂者治夫舉賢能世之所治也而治之所以亂世之所謂賢者言正也所以爲善正也黨也聽其言也則公爲能問其黨以爲然故貴之不待其有功誅之不待其有罪也此其執正使污吏有資而成其姦險小人有資而施其巧詐初假吏民姦詐之本而求端慙其未禹不能以使十人之眾庸主安能以御一國之民彼而黨與人者不待我而有成事者也上舉一與民民倍主位而嚮私交倍主位而嚮私交則君弱而臣強君人者不察也非侵於諸侯必却於百姓彼言說之勢愚智同學之士學於言說之人則民釋實事而誦虛詞民釋實事而誦虛詞則力少而非多君人者不察也以戰必損其將以守必賣其城故有明主忠臣臣危於今世

而散領其國者不可須臾忘於破勝黨任節去言談任法而治
矣使吏非法無以守則雖巧不得爲姦使民非戰無以効也
則雖險不得詐夫以法相治以數相舉者不能相益訾言者不
能相損民見相譽無益相管附惡見訾言無損習相憎不相害
也夫愛人者不阿各本作阿憎人者不害愛惡各以其正治之
至也臣故曰法任而國治矣千乘能以守者自存也萬乘能以
戰者自完也雖桀爲主不肖詘半辭以下其敵外不能戰內不
能守雖堯爲主不能以不臣諧謂所不若之國自此觀之國之
所以重主之所以尊者力也於此二者力本而世主莫能致力
者何也使民之所苦者無耕危者無戰二者孝子難以爲其親
忠臣難以爲其君今欲毆其眾民與之孝子忠臣之所難臣以
爲非劫以刑而毆以賞莫可而今夫世俗治者莫不釋法度而

任辯慧後功力而進仁義民故不觸耕戰彼民不歸其力於耕
卽食屈於內不歸其節於戰則兵弱於外入而食屈於內出而
兵弱於外雖有地萬里帶甲百萬與獨立平原一也且先王能
令其民蹈白刃被矢石其民之欲爲之非如學之所以避害故
吾教令民之欲利者非耕不得避害者非戰不免境內之民莫
不先觸耕戰而後得其所樂故地少粟多民少兵強能行二者
於境內則霸王之道畢矣

定分第二十六

公問於公孫鞅曰法令以各本作之當時立之者明且欲使天

今從鄭本

下之吏民皆明知而用之如一而無私奈何公孫鞅曰爲法令

置官置吏樸足以知法令之謂者以爲天下正則奏天子天
各則主法令之則主法令之皆降受命發官各三法令之上五
字施

本脫並脫上句注法民改忘行主法令之所謂之上二字施
令上則字各本有
有各以其所志之法令名罪之主法令之吏有遷徙物故者各
作之今輒使學讀法令所謂為之程式使日數而知法令之所
從施本
謂千中程為法令以罪之有敢剋定法令損益一字以上罪死
不赦諸官吏及民有問法令之所謂施吳本下有於主法令之
也字各本無
吏皆各以其故所欲問之法令明告之各為尺六寸之符明書
年月日時所問法令之名以告吏民主法令之吏不告吏民之
所問上五字各本作及之法令之所謂各本此下有皆以吏民
罪而四字今從施本
之所問法令之罪各罪主法令之吏即以左券予吏之問法令
者主法令之吏謹藏其右券木柙以室藏之封以法令之長印
即後有物故以券書從事法令皆副置一副天子之殿中為法
令為禁室有鈺鑰為禁而以封之內藏法令一副禁室中封以

禁印有擅發禁室印及入禁室視禁法令及禁剋一字以上罪
皆死不赦一歲受法令天子置三法官殿中置一法官御史置
一法官及吏丞相置一法官諸侯郡縣皆各為置一法官及吏
皆此秦一法官郡縣諸侯一受寶來之法令學問并所謂吏民
知法令者皆問法官故天下之吏民無不知法者吏明知民知
法令也故吏不能敢以非理施本無理法遇民民不敢犯法以
字各本有
有法官也遇民不修法則問法官法官即以法之罪告之民即
以法官之言正告之吏公知其如此故吏不敢以非法遇民民
又不敢犯法如此天下之吏雖有賢良辯慧不能開一言以枉
法雖有千金不能以用一銖故智詐賢能者皆作而為善皆務
自治奉公曰愚則易治也此所生於法明白易知而必行法令
者民之命也為治之本也所以備民也太平御覽明法此下
有知者不得遇愚者不

得不及名分不定而欲天下之治也是猶欲無饑而去食也為治而去法治也是猶欲無饑而去食也

食也欲無寒而去衣也欲至東而西行也其不幾亦明矣各本欲至東而西行作欲東西

走百人逐之非兔一可以分百也由名之未定各本欲至東而西行作欲東西

行非兔一可以分百也由名之未定也也夫賣者滿市御覽作

十四字作非以兔也三字据御覽增而盜不敢取由名分已定也故名分未定堯舜禹湯賣兔在

且皆如物而逐之名分已定貧盜不取今法令不明其名不定

天下之人得議之其議人異而無定人主為法於上下民議之

於下是法令不定以下為正也此所謂名分之不定也夫名分

不定堯舜猶將皆折而姦之而況眾人乎此令姦惡大起人主

奪威勢之國滅社稷之道也今先聖人為書而傳之後世必師

受之乃知所謂之名不師受之而人以其心意議之至死不能

知其名與其意故聖人必為法令置官也置吏也為天下師所

以定名分也名分定則大詐貞信民皆愿懋而名自治也故夫

名分定勢治之道也名分不定勢亂之道也故世治者不可亂

世亂者不可治夫世亂而治之愈亂世各本作勢上世治字程

治而治之則治故聖王治治不治亂夫微妙意志之言上智之

所難也夫不待法令繩墨而無不正者千萬之一也故聖人以

千萬治天下故夫智者而後能知之不可以為法民不盡知賢

者而後知之不可以為法民不盡賢故聖人為法必使之明白

易知名正愚知徧能知之為置法官置主法之吏以為天下師

令萬民無陷于險危故聖人立天下而無刑死者非不刑殺也

行法令明白易知為置法官吏為之師以道之知萬民皆知所

避就避禍就福而皆以自知也故明主因治而終治之故天下

大治也可均按此高法合者民之命也以下

治要有之今據增改六十餘字

商子 漢志稱商有三國志

嘉慶八年陽湖孫星衍承德孫馬翼同

校刻商子序云隋經籍志為五卷自唐

唐書經籍志稱為商子至宋時館閣書

目稱存二十卷六高氏宋氏書目亦

云今本五卷廿七高士者刊約第廿六

樂藏第廿一則第廿七為并七

其目也以其所見行世者有明程本

鄭宋本吳勉學本朱蔚然本施氏先

秦諸子凡五卷文字五有脫落本

本改五卷為二卷今取舊本分卷之

並採諸傳注補中其有缺者以

為五卷嘉慶十六年最重均校刻

問經堂本記云商子五卷孫星衍

刊其校者五卷今復據元原本刊

范欽本葉林宗從秦四麟所藏書

勛正本及魏敦書書治要馬德林

等書重加校補其法一高又

刑改正五百餘字通七廿七本又

為歸安楊休地為取歐陽校本

過錄送贈以藏置三百言學中無按

漢書藝文志去其有廿二篇隋

唐志無少則至元武庫所請書

志存存二十卷而南宋初始去其

三宋本僅據諸書詳詳又去其

一本朝四庫自明目錄去其二刑

約樂藏七存其目錄現行止二十

有四百餘字其目則現行止二十

七百五十五字其目則現行止二十

七百五十五字其目則現行止二十

<p>右商子五卷孫星衍所刊其校者明程本鄭宋本吳勉學本朱蔚然本施氏</p>	<p>先秦諸子本凡五卷各取其長余復據元原本范欽本葉林宗從秦四麟所藏書</p>	<p>刻勛正本及魏敦書書治要馬德林等書重加校定補得立法一篇又增刪改</p>	<p>正五百餘字通七廿七本又刑改正五百餘字通七廿七本又</p>	<p>嚴欽行先生校商子五卷問經堂本歸安師受是古書欽行謹請人彭寓</p>	<p>上高氏校以報商子不工殊愧遺也耳</p>	<p>道三已而冬十月交書歸安楊休謹識</p>	<p>商子卷第五終</p>	<p>商子卷第五終</p>
--------------------------------------	--	---------------------------------------	---------------------------------	-------------------------------------	------------------------	------------------------	---------------	---------------

